## 庫全書

子部

欽定四庫全書子部

詳校官監察御史臣邱庭街 檢討臣何思鈞覆勘

校對官主簿臣汪日替 覆校官主事 臣龔敬身 腾録監生臣王 翰


大三刀巨 二十 欽定四庫全書 神仙傅 提要 滕升問仙人有無而作所錄凡八十四人序 臣等謹按神仙傳十卷晉葛洪撰是書據洪 稱春大夫阮倉所記凡數百人劉向所撰又 自序益于抱扑子内篇既成之後因其弟子 一人今復抄集古之仙者見于仙經 神仙傅 子部十四


多プロる名言 安謀反自殺李少君病死具載史記漢書亦 見廣成子盧教之遇若士皆莊周之寓言不 仙傳重出餘皆補向所未載其中如黄帝之 愈于向今考其書惟客成公彭祖二條與列 卷入稱劉向所述殊甚簡畧而自謂此傳有 食方百家之書先師所說者儒所論以為十 實無登仙之事 洪一 過鴻濛雲将之類未常實有其人淮南王劉 Þ 提要 緊受載未免附會至謂

大巴印尼公島 志稱為葛洪列仙傳其名獨異考新舊唐書 **諸家著錄皆作十卷與今本合惟隋書經籍 恐代詞人轉相沿用不必一** 亦據舊文不盡偽撰入流傳既久遂為故實 慈甘始封君達諸人巳多與此書相符疑其 誕然後漢書方術傳載壺公蓟子訓劉根左 **岩二人晉時尚存洪目睹而記之者尤為虛** 許由泉父服箕山石流黄丹今在中岳中山 神八作 一核其真偽也

多河口是月雪 並作葛洪神仙傅知今本隋志殆承上列 此本 相合知為原帙漢魏叢書别載一本其 末是做引此書以三國志注為最古然悉與 為感衆其書文颇行世故撮舉數事載之篇 惇趙達傅注引介象一條併稱葛洪所述近 期一條具志士爽傳注引董奉一條吳範劉 毛骨所判考浆松之蜀志先主傳注引李意 傳讚之文偶然誤刊非書有二名也此本為 仙

火ビリを合 此條漢魏袁書本逐不載之足以證其非完 稱葛洪神仙傳與山本合因太平廣記未引 注文選江淹别賦鮑照升天行凡兩引之俱 故其本颇有訛漏即如盧敖若士 有好誤亦有與他書後見即不引神 益從太平廣記所引鈔合而成廣記標題問 本矣乾隆四十一 年十月恭校上 又大畧相同而所載凡九十二人核其篇第 神仙佛 條李善 仙傅者






金与巨四百章 卷三 沈羲 王遠 皇初平 魏伯陽 樂子長 沈建 伯 陳安世 李阿 伯山甫 衛叔卿 華子期 吕恭

大文女 太玄女	太陽女	絶洞子	九靈子	五子	孫博	聖子	卷四
中仙件 南極子	太陰女	太陽子	北極子	天門子	班孟	劉政	

王真	淮南王	卷六	樂巴	茅君	馬鳴生	卷五	黄盧子	多定中年書
陳長	李少君			張道陵	陰長生			日 鎌

大正马和 部和	劉京	東郭延	卷七	焦光	王烈	東陵聖母	劉綱
神仙傳超瞿	嚴青	靈壽光		孫登	涉正	孔元	樊夫人

P. Comments



<b>於定四車全書</b>	李意期	董奉	卷十	介象	壺公	卷九	河上公
种仙传曾女生	王興	李根			尹軌		劉根
ND							

故窜子入火而凌煙馬皇見迎以獲龍方回咀嚼以雲 蓋神仙幽隐與世異流世之所聞者猶干不及一者也 昔秦大夫阮倉所記有數百人劉向所撰又七十 曰神仙可得不死可學古之得仙者豈有其人乎答曰 洪著內篇論神仙之事凡二十卷弟子滕升問曰先生 欠三日屋 きょう 窮務光游淵以脯雜仇生却老以食松印疏服石以 母赤將站絕以隨風消子餌术以著經嘯父烈火以 仙傳原序 种仙傳

容陵陽吞五胎以登髙商丘咀菖蒲以不終雨師煉五 黄盧蕭史來鳳而輕舉東方飄衣於京都犢子靈化以 **轅控飛龍於賜湖葛由策木羊於綏山陸通西遐紀於** 淪神主柱飛行於丹砂阮丘長存於睢嶺英氏乗魚以 流泉園客蟬蛻於五華余令復抄集古之仏者見於仏 登退脩羊陷石於西嶽馬丹回風以電祖鹿翁陟險而 以屬天子光轡虬雷於玄塗周晉跨素禽於缑氏軒

金片四周台書

形琴髙乗鯉於碭中桂父改色以龜腦女九七十以增

深妙奇異不可盡載猶存大體竊謂有愈於向多所遺 以示之矣則知劉向所述殊甚簡要美事不舉此傳雖 以傳知真識速之士其繫俗之徒思不經微者亦不强 經服食方及百家之書先師所說者儒所論以為十卷 てこうき 棄也葛洪撰 1111 神仙傳

**動定四庫全書** 

欠己の長と言 再拜請問治身之道廣成子蹶然而起日至哉子之問 **廣成子者古之仙人也居崆峒山石室之中黄帝間而** 欽定四庫全書 馬曰敢問至道之要廣成子曰爾治天下雲不待簇 一月復往見之廣成子方北首而即黃帝膝行而前 神仙傳 以語至道哉黄帝退而閒 晋 葛洪

若士者古之神仙也莫知其姓名燕人盧敖秦時遊于 王吾將去汝適無何之鄉入無窮之門追無極之野與 日月齊光與天地為常人其盡死而我獨存馬 抱神以静形将自正必静必清無勞爾形無搖爾精乃 也至道之精窈窈冥冥至道之極昏昏點點無視無聽 二百歲而形未嘗衰得吾道者上為皇入吾道者下為 可長生慎內閉外多知為敗我守其一以處其和故干 岩士

金人口足人

光乎日月而載乎列星比夫不名之地猶突與也我告 然方迎風軒輕而舞顧見盧敖因追逃于碑下盧敖仰 為背庫離黨窮觀六合之外幼而好遊長而不渝周行 其為人也深目而玄準寫肩而脩頸豐上而殺下欣欣 乎若士儼然而笑曰嘻子中州之民不宜遠而至此 而視之方迷龜殼而食蟹蛤盧数乃與之語曰惟以敖 極推此陰之未闕令卒覩夫子于此殆可與数為友

北海經于太陰入于玄關至于蒙谷之山而見岩士馬

足已日早亡等

N

神仏傳

尺自以為遠不亦謬也悲哉 遂入雲中 虚教仰而視之弗 見乃止憎恨若有喪者也 矣吾與汗漫期於九坡之上不可以久住乃舉臂竦身 之能也今子遊始至於此乃云窮觀豈不陋哉然子處 無聞其外猶有泼泼之氾其行一舉而十萬里吾猶未 東貫乎河洞之光其下無地其上無天視馬無見聽馬 南遊乎洞漏之野北息乎沈默之鄉西窮乎窈冥之室 曰吾比夫子 也猶鴻鵠之與壤蟲也終日而行不離咫

金员之屋石量

十歲而不衰老少好恬静不恤世務不管名譽不飾車 彭祖者姓錢名鏗帝顓頊之玄孫至殷末世年七百六 竹根汁煮册黄土去三尸出此二人也 法服樂行道無益也文淵遂授其秘要後亦昇天令以 有效欲於崑崙安息二千餘年以傳李文淵曰土符不 沈文泰者九疑人也得江农神丹土符還年之道服之 彭祖 沈文泰

大巴马馬 公馬

神仙傅

感變化鬼怪之事窈然無為時乃遊行人莫知其所請 鹿角常有少容然其性沈重終不自言有道亦不作龍 居不與政事善於補養導引之術并服水桂雲母粉麋 服唯以養生治身為事殷王聞之拜為大夫常稱疾問 旦至日中乃危坐拭目摩搦身體舐唇咽唾服氣數 日不持資糧還家則衣食與人無異常閉氣內息從平 伺候之竟不見也有車馬而不常乘或數百日或數十 乃起行言笑如故其體中或有疲倦不安便導引閉氣

金写口屋 石電

とこりらんたう 舉形登天上補仙官者當用金丹此元君太一所服白 形之方年二百七十歲視之年如十五六王奉事之於 受之以恤貧賤略無所留又有采女者亦少得道知養 問道於彭祖采女再拜請問延年益壽之法彭祖曰欲 披庭為立華屋紫閣節以金玉乃令采女乘輕輧而往 和也王自請問訊不告之致遺珍玩前後數萬彭祖皆 今其存覺其氣行體中起於鼻口中達十指未尋即平 以攻其患心存其身頭面九竅五藏四肢至于毛髮皆 神仙傳

三歲失母遇犬戎之亂流離西域百有餘年加以少怙 之意可推而得但不思之耳何足枉問耶僕遺腹而生 今大宛山中有青精先生者傳言千歲色如童子行步 喪四十九妻失五十四子數遭憂患和氣折傷令肌膚 服餌至樂可以長生但不能役使鬼神乘虚飛行耳不 知交接之道雖服樂無益也采女能養陰陽者也陰陽 不澤榮衞焦枯恐不得度世所聞素又淺薄不足宣傳 日昇天也然此道至大非君王所為其次當愛精養神

金为口唇石重

化蛤雉之為蜃失其本真更守異器今之愚心未之願 然有此等雖有不亡之壽皆去人情離榮樂有若雀之 スプローニュー シュニー 身草野之間面生異骨體有奇毛戀好深解不交流俗 山或食元氣或站芝草或出入人間則不可識或隱其 上造太指或化為鳥獸浮遊青雲或潛行江海翱翔名 非仙人也仙人者或竦身入雲無翅而飛或駕龍乘雲 女曰敢問青精先生所謂何仙人也彭祖曰得道者耳 神山傳

一日三百里能終歲不食亦能一日九餐真可問也来

温夏凉不失四時之和所以適身也美色淑姿幽閒娱 以不死但不成仙人耳養壽之道但莫傷之而已大冬 得二百四十歲能加之可至四百八十歲盡其理者可 得宜當至百二十歲不及此者皆傷之也小復曉道可 毀譽不為累乃可貴耳人之受氣雖不知方術但養之 節堅强顏色和澤老而不衰延年久視長在世間寒溫 也人道當食甘古服輕麗通陰陽處官秩耳目聰明骨 風濕不能傷鬼神衆精莫敢犯五兵百蟲不能近髮喜 

|欽定匹庫全書

知其經脈損傷血氣不足內理空疏髓腦不實體已先 中士異被服樂干褁不如獨即五色令人目盲五味 以養壽而不能斟酌之者反以速患古之至人恐下才 得其益凡此之類譬猶水火用之過當反為害耳人不 之子未識事宜流追不還故絕其源也故有上士别床 樂不致思欲之感所以通神也車服威儀知足無求所 てこう.~ 口爽苟能節宣其宜適抑揚其過塞者不减年等而 其志也八音五色以玩視聽所以導心也凡此皆 神仙傳

室不亦感哉男女相成猶天地相生也所以導養神氣 當病耶凡遠思强記傷人憂志悲哀傷人情樂過差傷 | 多定四库全書 使人不失其和天地得交接之道故無終竟之限人失 人忽怒不解傷人汲汲所願傷人戚戚所患傷人寒暖 則不死之道也天地畫離而夜合一歲三百六十交而 失節傷人陰陽不交傷人所傷人者甚衆而獨責於房 病故為外物所犯因風寒酒色以發之耳岩本充實豈 交接之道故有殘折之期能避衆傷之事得陰陽之術 

欠已日至公告 一 至言又不能信見約要之書謂之輕淺而畫夕伏誦觀 之法皆非真道可以教初學者以正其心耳爱精養體 之事一千七百餘條及四時首向責己謝過即起早晏 要也其餘吐納導引之術及念體中萬神有含影守形 非思念所留者也愚人為道不務其本而逐其末告以 服氣鍊形萬神自守其不然者則禁衛枯率萬神自逝 可以長存次有服氣得其道則邪氣不得入治身之本 神仙傳

精氣和合者有四故能生育萬物不知窮極人能則之

教之終不能行是非仁人之意也但知房中之道閉氣 哉又人苦多事又少能。棄世獨住山居穴處者以順道 之術節思慮適飲食則得道矣吾先師初著九都節 夫太清北神中經之屬以此疲勞至死無益也不亦悲 絕之彭祖知之乃去不知所在其後七十餘年聞人於 始涉門庭者耳采女具受諸要以教王王試為之有驗 韜形隱遁無為開明四極九室諸經萬三千首為以示 一秘之乃令國中有傳彭祖道者誅之又欲害彭祖以

金月口尼白言

樂其所據行者正以交接之道為主而金液之樂為上 藏矣不肯修昇仙之道但取於不死而已不失人間之 白石生者中黄丈人弟子也至彭祖之時已年二千餘 百七十歲非壽終也 彭祖之道殺人者由於王禁之故也彭祖去殷時年七 流沙之西見之王能常行彭祖之道得壽三百歲力轉 丁肚如五十時鄭女妖淫王失其道而殂俗問相傳言 白石生

又こので Aith

神仙傳

至尊相奉事更苦人間耳故時人號白石生為隱遁仙 讀仙經及太素傳彭祖問之何以不服樂昇天乎答曰 金分口是白雪 行三四百里視之色如三十許人性好朝拜存神又好 山居時人號曰白石生亦時食脯飲酒亦時食穀日能 也初患家貧身贱不能得樂乃養猪牧羊十數年約衣 人以其不汲汲於昇天為仙官而不求聞達故也 天上無復能樂於此問耶但莫能使老死耳天上多有 用致貨萬金乃買藥服之常煮白石為糧因就白石

者便為木中之松栢也 黄山君者修彭祖之術年數百歲猶有少容亦治地仙 不取飛昇彭祖既去乃追論其言為彭祖經得彭祖經 黄山君

中皆立生綱長服此樂得壽數百歲不老後入地肺 始盡九月末止埋之百日煎丸之卒死者以此樂內口 鳳綱者漁陽人也常採百草花以水漬泥封之自正月 鳳綱

てこりら とこう

种山街

神仙傳卷一				中仙去	<b>多灾四库全事</b>
					卷一 1
					- 7

士善卜乃問之曰吾有弟名初平因令牧羊失之今四 良謹使将至金華山石室中四十餘年忽然不復念家 十餘年不知死生所在願道君為占之道士曰金華山 其兄初起入山索初平歷年不能得見後在市中有道 皇初平者丹谿人也年十五而家使牧羊有道士見其 欽定四庫全書 くこうに 神仙傳卷二 皇初平 111 神山傳 晉 葛洪 撰

白石無數還謂初平日山東無羊也初平日羊在耳但 皆何在初平曰羊近在山東初起往視了不見羊但見 喜即隨道士去尋求果得相見兄弟悲喜因問第日羊 否初平日唯好道便得耳初起便棄妻子留就初平共 石皆變為羊數萬頭初起日弟獨得神通如此吾可學 中有一牧羊兒姓皇名初平是柳弟非耶初起聞之驚 兄自不見之初平便乃俱往看之乃叱曰羊起於是白 松脂茯苓至五干日能坐在立亡行於日中無影而

|多定四庫全書

卷二

有微益也一人曰我姓吕字文起一人曰我姓孫字文 險如是耶恭曰實好長生而不遇良方故採服此物冀 **臨去以方授南伯逢易姓為赤初平改字為赤松子初** 起改字為魯班其後傳服此樂而得仙者數十人馬 有童子之色後乃俱還鄉里諸親死亡略盡乃復還去 忽有三人在谷中因問恭曰子好長生乎而乃勤苦艱 吕恭字文敬少好服食將一奴一 呂恭 婢於太行山中採樂

次定四車全書 一

神仙傳

|拜曰有幸得遇神人但恐闇塞多罪不足教授若見採 公命當應長生也若能隨我採樂語公不死之方恭即 採樂當以成授新學者公既與吾同姓又字得吾半是 孫乃見鄉里數世後人趙光輔遂問吕恭家何在人轉 救是更生之願也即隨仙人去二日乃授恭秘方一通 雖二日今人間已二百年恭歸到家但見空野無復子 因遣恭還曰可歸省鄉里恭即拜辭仙人語恭曰公來 人曰我姓李字文上皆太清太和府仏人也時來 欠己の事心等 居久之乃以神方授習而去時習已年八十服之轉轉 習舉家驚喜徒跣而出拜曰仙人來歸流涕不能自勝 吾家也我昔採樂隨仙人去至今二百餘年今復歸矣 言往到習家叩門而呼之奴出問曰公何來恭曰此是 城東北十里作道士人多奉事之推求易得耳恭承輔 怪之曰君自何來乃問此久遠之人吾聞先世傳有品 經今已二百餘年君何問乎吕恭有後世孫吕習者在 恭將一奴一婢入山採樂不復歸還以為虎狼所傷耳 神仙傳

還少至二百歳乃入山去其子孫世世服此樂無復老 建则差舉事之者干餘家一日建當遠行留寄一 沈建者丹陽人也世為長史而建獨好道不肯仕宦學 不烦主人飲食也便决去主人怪之曰此君所寄口有 死皆得仙也 **v引服食之術遠年却老之法又能治病病無輕重遇** 沈建 頭羊十口各與藥一 丸語主人曰但累舍居

金以口匠人門

華子期者淮南人也師祿里先生受隱仏靈寶方一 羊乃却飲食如故建遂斷穀不食能輕舉飛行往還如 此三百餘年乃絕迹不知所之也 **嬋聞食皆吐逆以草與驢羊驢羊皆避而不食便欲飢** てこりえ 十三不留寸資當若之何建去之後主人飲啖奴婢奴 (主人乃驚後百餘日奴婢面體光澤轉勝於初時聽 悉肥如旬建去三年乃還又各以一丸藥與奴婢聽 華子期 ノニニ 神仙牌

一以還ツー 生子能行之可以度世子長服之年一百八十歲色如 樂子長者齊人也少好道因到霍林山遇仙人授以服 後乃仙去 鈖埞匹戽全書 樂老成童又能异雲上下改人形容崇氣益精起死養 巨勝赤松散方仙人告之曰蛇服此樂化為龍人服此 伊洛飛龜秩二曰伯禹正機三曰平衡方按合服之 樂子長 日能行五百里力舉千斤一歲十二易其形 卷二 Ð

中山推求遂得叔卿子名度世即將還見帝問馬度世 帝鷲問之為誰曰我中山衛叔卿也帝曰中山非我臣 衞叔卿者中山人也服雲母得仙漢元鳳二年八月 登勞風山而仙去也 てこうこ 辰武帝問居殿上忽有一人乗浮雲駕白鹿集於殿前 叔卿不應即失所在帝甚悔恨即使使者梁伯之往 衛叔卿 1:1: 种山鄉

少女妻子九人皆服其藥老者返少小者不老乃入海

齊戒獨上望見其父與數人於石上嬉戲度世既到見 答曰臣父少好仙道服樂治身八十餘年體轉少壯 子悔恨不得與父共語故遣使者與度世共來叔卿 具後度世望而再拜叔卿問曰汝來何為度世具說 朝雨積數日度世乃日吾父豈不欲吾與人俱往乎更 遣梁伯之與度世往華山覓之度世與梁伯之俱上山 父上有紫雲覆廢鬱鬱白玉為床有數仙童執幢節立 旦委臣去言當入華山耳今四十餘年未嘗還也帝即

|多定四庫全書

とこりる さき 能乗雲而行道成來就吾於此不須復為漢臣也度世 先生許由巢父王子晉薛容也令世向大亂天下無聊 語是以棄去今當與中黄太一共定天元九五之紀吾 吾前為太上所遣欲戒帝以灾厄之期及救危厄之法 後數百年間土滅金亡天君來出乃在壬辰耳我有仙 國祚可延而帝强梁自貴不識道真反欲臣我不足告 方在家西北柱下歸取按之合樂服餌令人長生不死 不得復往也度世因曰向與父博者為誰叔卿曰洪崖 神仙修

五色雲母并以教梁伯之遂俱仙去不以告武帝也 成知弟子心不盡乃試之曰此丹令雖成當先試之令 魏伯陽者具人也本高門之子而性好道術不肯任官 試飴犬犬即飛者可服之岩犬死者則不可服也怕陽 閒居養性時人莫知之後與弟子三人入山作神丹丹 山特将一白犬自隨又有毒丹轉數未足合和未至 魏伯陽

一到近四月子言

拜解而歸掘得玉函封以飛仙之香取而按之餌服乃

弟子顧相謂曰作丹欲長生而服之即死當奈何獨 服之否伯陽曰吾背違世俗委家入山不得仙道亦不 合神明之意服之恐復如犬為之奈何弟子曰先生當 問弟子曰作丹惟恐不成丹既成而犬食之即死恐未 くこうう 復歸死之與生吾當服之耳伯陽乃服丹丹入口即 服之暫死故伯陽便以毒丹與白犬食之即死伯陽乃 弟子曰吾師非凡人也服州而死將無有意耶亦乃 一冊即復死餘二弟子乃相謂曰所以作冊者欲求長 1141 神仙傳 有

皆起弟子姓虞遂皆仙去因逢人入山伐木乃作書與 生今服即死馬用此為若不服此自可數十年在世間 吉也 鄉里寄謝二弟子弟子方乃懊恨伯陽作祭同契五行 之意而儒者不知神仙之事反作陰陽注之殊失其大 相類凡三卷其説似解周易其實假借及象以論作 活也遂不服乃共出山欲為伯陽及死弟子求市棺木 人去後伯陽即起將所服丹內死弟子及白犬口中

多好四月全書

Ł						
2						
といりられたか						
- 1						
24						
神仙傳						
H						
				!		
^						
	L		!	l	l	l

** * \\ \ \				
神仙傅卷二				金历四月全書
_		-		
				卷二

F

姓而不知服食藥物功德感於天天神識之義與妻賈 劍輝赫滿道問義曰君見沈道士乎義愕然曰不知何 欽定四庫全書 氏共載請子婦卓乳寧家道次忽逢白鹿車一乗青龍 沈義者呉郡人也學道於蜀中但能消灾治病救濟百 神仙傳卷三 一乗白虎車一乗從數十騎皆是朱衣仗節方篩帶 沈羲 晉 葛洪 撰

欠已日年 台号

神仙傳

一皆共見之不知何等須史大霧霧解失其所在但見義 落侍郎主呉越生死之籍遂載義昇天時道間鋤耘人 於民心不忘道從少已來履行無過毒命不長算禄将 人耶又曰沈義答曰是某也何為問之騎吏曰義有功 版青王介 丹王字授與義義跪受未能讀云拜義為碧 白虎車是也須臾忽有三仙人在前羽衣持節以白玉 是也度世君司馬生者青龍車是也送迎使者徐福者 盡黃老愍之今遣仙官來下迎之侍郎簿延者白鹿車

金以口尽白言

孫名懷喜懷喜告曰聞先人相傳說家祖有仙人今仙 數百人恐是邪魅将義藏於山谷問乃分布於百里之 所乗車牛人田食苗或有識是義牛者以語其家弟子 欠已习巨人的 ! 内求之不得而後四百餘年忽來還鄉推求得其數世 女子及少男庭中有珠玉之树蒙茸叢生龍虎辟邪遊 殿鬱鬱有如雲氣五色を黄不可名字侍者数百人多 見老君東向坐有左右物義不得謝但點坐而已見宫 人果歸也留數十日義因話初上天時不得見天尊但 神仙傳

有符書著之者君形體略高一文披髮垂衣頂項有光 戲其問但聞琅琅有如銅鐵之聲不知何物四壁熠熠 後賜東二枚大如雞子脯五寸遣羲去曰汝還人問救 服之者不死矣妻各得一刀圭告言飲畢而謝之服樂 須臾數髮有玉女持金盤玉盃盛樂賜羲曰此是神 上後人多得其方術者也 迎汝乃以一符及仙方一首賜義義奄忽如睡已在地 百姓之疾病者君欲來上天書此符懸於竿抄吾當

金月口足子言

武之叔平不覺其是仙人也久而轉懈怠叔平在內方 求腹飽耳勿與食於是叔平使安世出告言不在二人 平好道思神忽有二仙人託為書生從叔平行遊以觀 陳安世者京兆人也為灌叔平客稟性慈仁行見鳥獸 ここりこ 因入白叔平叔平即欲出其妻止之曰餓書生輩復欲 作美食二仙人復來詣門問安世曰叔平在否答曰在 下道避之不欲騰動不踐生蟲未嘗發物年三十而权 陳安世 神仙傳

我耳二人已在其耳邊呼之曰安世汝來何晚耶答曰 **戲耶答曰不好也又曰汝好道希仙耶答曰好道然無** 之以實對乃相謂曰叔平勤苦有年令日值吾二人而 早旦來但不見君耳二人曰我端坐在汝邊耳頻三 曰汝向言在今言不在何也大家物我去耳二人益善 早往期處到日西而不見二人乃起將去曰書生定敗 反懈怠是其不遇我幾成而敗之乃問安世曰汝好遨 知耳二人曰汝審好道明日早會道北大樹下安世

一 好定四库全書

次定四車全書 白日昇天臨去遂以要道傳叔平叔平後亦得仙也 生我然非師則莫能使我長生也先聞道者則為師矣 非常人自知失賢乃數曰夫道尊德貴不在年齒父母 平怪之日安世處空室何得有人語往飘不見何也答 歸家勿復飲食別止一處安世依誠二人常往其處权 乃自執弟子之禮朝夕拜事安世為之洒掃安世道成 日我獨語耳叔平見安世不服食但飲水止息別位疑 之而安世輔早至知其可教乃以樂兩丸與之誠曰汝 神仙傳

身正體膿血臭惡不可近視人皆不忍近之公昉為之 萬不以為損憂念之意形於顏色八伯又轉作惡瘡周 後八伯乃偽作病危困欲死公昉為迎醫合樂費數十 求道而不遇明師欲教以至道乃先徃試之為作傭客 公昉不知也八伯驅使用意過於他人公昉甚愛待之 李八伯者蜀人也莫知其名歷世見之時人計之已年 八百歳因以號之或隱山林或在壓市知漢中唐公昉

浴之乃都愈耳公的即為具酒三十斛著大罷中八伯 言君舐之復不能使吾愈得君婦為舐之當愈也公昉 能使愈若得君舐之乃當愈耳公昉即為舐之八伯又 乃起入酒中洗浴瘡則盡愈體如凝脂亦無餘痕乃告 須得人舐之公昉乃使三婢為舐之八伯曰婢舐之不 流涕日卿為吾家勤苦累年而得篤病吾趣欲令卿得 乃使婦舐之八伯曰瘡乃欲差然須得三十斛美酒以 愈無所怯惜而猶不愈當如卿何八伯曰吾瘡可愈然

次足四車全書

神仏傳

市而所得隨復以拯貧窮者夜去朝還市人莫知其所 李阿者蜀人也蜀人傳世見之不老如故 常乞於成都 入雲臺山中合丹丹成便登仙去令拔宅之處在漢中 酒自洗即皆更少顔色悅美以丹經一卷授公昉公昉 相授度世之訣矣乃使公昉夫妻及舐瘡三婢以浴餘 公昉曰吾是仙人君有至心故來相試子定可教令當 李阿

强言實恐父怒阿即取刀以左右手擊地刀復如故以 微數者則有深憂如此之候未曾不審也有古强者疑 折敗强竊憂刀敗至旦復出隨之阿問曰汝愁刀敗 以自衛阿見之怒曰汝隨我行何畏虎耶取强刀擊 後復欲隨阿去然身未知道恐有虎狼故持其父長刀 事皆吉若容貌條戚則事皆函若阿含笑者則有大慶 宿也或問往事阿無所言但占阿顏色若顏色欣然則 阿是異人常親事之試隨阿還所宿乃在青城山中强 耶

次足の車を与

神仙傳

轢其脚脛皆折阿即死强騰視之須臾阿起以手抑 耳 夫博學五經尤明天文圖讖河洛之要逆知天下盛衰 王遠字方平東海人也舉孝庶除郎中稍加至中散 强强逐阿還成都未至道次逢奔車阿以脚置車 而阿猶如故後語人云被崑崙山名當去遂不復還 王遠 如故强年十八見阿色如五十許人至强年八

1:11

皆然六畜繁息田蠶萬倍仕官高遷後語耽云吾期運 從學道方平在耽家四十餘年耽家無疾病死喪奴婢 帝惡之使人削之外字始去內字復見字墨皆微入板 尉公陳耽為方平架道室旦夕朝拜之但乞福消灾不 之期九州吉玄觀諸掌握後棄官入山修道道成漢孝 裏方平無復子孫鄉里人累世相傳共事之同郡故太 桓帝聞之連徵不出使郡牧逼載以請京師遂低頭閉 口不肯答部乃題宮門扇板四百餘字皆説方來之事

久已9月4日

神仙傳

生命應得度世故欲取汝以補仙官然汝少不知道今 者小民也骨相當仙方平知之故住其家遂語經曰汝 我将何如具棺器烧香就床上衣裝之至三日三夜忽 金岁也人人 知其化去不敢下著地但悲涕歎息曰先生拾我去 將盡當去不得復停明日日中當發也至時方平死 去也其後方平欲東之括蒼山過呉徃胥門蔡經家經 失其尸衣带不解如蛇蚁耳方平去後百餘日耽亦 謂耽得方平之道化去或謂方平知耽將終委之而 BB 死

惟有皮頭足具如今蟬蜕也去十餘年忽然還家去時 來過到其日可多作數百斛飲食以供從官乃去到期 て、うう 已老還更少壯頭髮還黑語其家云七月七日王君當 消耗骨立乃入室以被自覆忽然失其所在視其被中 火欲得水灌舉家沒水以灌之如沃燋石似此三日中 狗實中過耳告以要言乃委經去後經忽身體發熱如 日其家假借盆甕作飲食數百斛羅列覆置庭中其日 氣少內多不得上昇當為尸解耳尸解一 Litin 神仙傅 劇須臾如從 姑相問亦莫知麻姑是何神也言王方平敬報久不在 (驚不知何所在及至經家舉家皆見方平著遠遊冠朱 麟從天上下懸集不從道行也既至從官皆隱不知所 如大將軍也有十二玉壺皆以臘蜜封其口鼓吹皆乗 多定四库全書 在惟見方平坐耳須臾引見經父母兄弟因遣人名麻 羽車駕五龍龍各異色麾節幡旗前後導從威儀实买 服虎頭鞶裳五色綬帶劍少鬚黃色長短中形人也乗 方平果來未至經家則聞金鼓簫管人馬之聲比近皆

願未即去如此兩時間麻姑來來時亦先聞人馬之聲 とこうえ 有文章而非錦綺光彩耀日不可名字皆世所無有也 好女子年十八九許於頂中作髻餘髮散垂至腰具衣 既至從官當半於方平也麻姑至蔡經亦舉家見之是 年尊早有序脩敬無階思念煩信承來在彼登當傾倒 民間令集在此想姑能暫來語否有項信還但聞其語 而先被記當案行達來令便暫往如是當還還便親親 不见所使人也答言麻姑再拜比不相見忽已五百餘 ):Li 神仙傳

姑望見乃知之曰噫且止勿前即求少許米至得米便 以撒地謂以米祛其穢也視米皆成真珠方平笑曰姑 將復還為陵陸乎方平笑曰聖人皆言海中行復楊塵 海三為桑田向到蓬萊水又淺於往告會時略半也豈 之如松栢炙云是麟脯也麻姑自說接待以來已見東 無限也餚膳多是諸花菓而香氣達於內外擘脯而行 也麻姑欲見蔡經母及婦姪時經弟婦新産數十日麻 入拜方平方平為之起立坐定名進行厨皆金玉盃盤

|勐定匹库全書

次に四年上十二日 麻姑手爪不如人爪形皆似鳥爪獒經中心私言若背 五斗許信傳餘杭姥答言恐地上酒不中尊者飲耳又 升許皆醉良久酒盡方平語左右曰不足復還取也以 怪也乃以一升酒合水一斗攬之以賜經家人人飲 非俗人所宜飲飲之或能爛腸今當以水和之汝華勿 故少年也吾老矣不喜復作此曹輩狡獪變化也方平 十錢與餘杭姥相聞求其酤酒須臾信還得一油囊酒 語經家人日吾欲賜汝輩酒此酒乃出天厨其味醇釀 神仙傳

聞經家有神人乃詣門扣頭求乞拜見於是方平引前 爬背耶便見鞭著經背亦不見有人持鞭者方平告經 RP 以仙道也當授君地上主者之職臨去以一符并 與語此人便乞得驅使比於蔡經方平曰君且起可 日立方平從後視之曰噫君心不正影不端終不 曰吾鞭不可妄得也經比舍有姓陳失其名字嘗罷尉 大癢時得此爪以爬背當住也方平已知經心中所言 使人牵經鞭之日麻姑神人也汝何忽謂其爪可以 可 向

万人二十

又正りる なから 效矣方平去後經家所作飲食數百斛在庭中者悉盡 帶此傳以物社吏當收送其鬼君心中亦當知其輕重 著小箱中以與陳尉告言此不能令君度世止能令君 亦不見人飲食之也經父母私問經曰王君是何神 陳尉壽一百一十一歲而死死後其子猴行其符不復 臨時以意治之陳尉以此符治病有效事之者數百家 竟本壽壽自出百歲也可以消灾治病病者命未終及 無罪犯者以符到其家便愈矣若有邪鬼血食作禍者 神仏傳


平名遠者起此乃因陳尉書知之其家於今世世存錄 之神皆來奉迎拜謁或有千道者後數年經復暫歸 十人侍每行常見山林在下去地常數百丈所到山海 闗王君王君出時或不盡將百官惟來一黄麟將士數 方平有書與陳尉真書廓落大而不工先是無人知方 日之中與天上相反覆者數過地上五嶽生死之事悉 三山上皆有宫殿宫殿一如王宫王君常任天曹事一 復居何處經答曰常治崑崙山往來羅浮山括蒼山此

金好区屋台灣

老翁其老翁頭髮皓白長跪而受杖使者怪而問之女 少色如桃花漢遣使者經見西河城東有一女子笞 外生女年老多病將樂與之女服樂時年七十稍稍還 省親如此二百餘年不老每入人家即知人家先世已 來善惡功過有如臨見又知未來吉內言無不效見其 伯山甫者雍州人也在華山中精思服餌時時歸鄉里 王君手書及其符傳於小箱中秘之也 伯山甫

とこのはたから !!

种仙件



著書十篇號為墨子世多學之者與儒家分塗務尚儉 械將以攻宋墨子間之徒行詣楚足乃壞裂裳以褁之 墨子者名程宋人也仕宋為大夫外治經典內修道術 約頗毀孔子尤善戰守之功公輸班為楚將作雲梯之 欽定四庫全書 神仙傳卷四 墨子 晋 葛洪 撰

文三日日 ANS

七日七夜到楚見公輸班說之日子為雲梯將以攻宋

神仙傅

所有餘不可謂智宋無罪而攻之不可謂仁知而不爭 有短褐而欲竊之舍其梁肉隣有糟糠而欲竊之此謂 曰今有人舍其文軒隣有弊舉而欲竊之舍其錦繡隣 於王矣墨子曰子令見我於王公輸班曰諾墨子見王 不可謂忠爭而不得不可謂强公輸班曰吾不可以言 宋何罪之有耶楚餘於地而不足於民殺所不足而爭 鹿滿之江漢魚鼈為天下富宋無雉兔井鮒此猶梁肉 何若人也楚王曰若然者必有狂疾翟曰楚有雲夢麋

銀片口周台書

所以攻我吾不言矣楚王問其故墨子曰公輸班之意 不過欲殺臣謂宋莫能守耳然臣之弟子禽滑釐等三 哉然公輸班已為雲梯謂必取宋於是見公輸班攻宋 而墨子九拒之公輸班之攻城械盡而墨子之守有餘 墨子解带為城以幞為械公輸班乃設攻城之機九變 繍之與短褐也臣聞大王吏議攻宋與此同也王曰善 之與糟糠也楚有柟梓松橡宋無數尺之木此猶有錦 公輸班屈日吾知所以攻子矣吾不言墨子曰吾知子

人工可戶 八十五

神仙傳

雖殺臣不能絕也楚乃止不復攻宋馬墨子年八十有 從赤松遊矣乃謝遣門人入山精思至道想像神仙於 人日子有至他好道故來相候子欲何求墨子曰願得 以衣覆之墨子乃何之忽有一人乃起問之曰君豈山 是夜常聞左右山間有誦書聲者墨子即後又有人來 二乃數曰世事已可知矣榮位非可長保將委流俗以 **微之靈氣乎將度世之神仙乎願且少留誨以道教神** 

金分口屋有量

百人早已操臣守禦之罷在宋城之上而待楚冠至矣

とこりるという 避戰國至漢武帝時遂遣使者楊遼東帛加壁以聘墨 緣又聰明得此便成不必須師也墨子拜受合作遂得 子墨子不出視其顏色常如五六十歲人周遊五嶽不 其效乃撰集其要以為五行記五卷乃得地仙隱居以 靈教戒五行變化凡二十五卷告墨子曰子既有仙分 長生與天地同畢耳於是神人授以素書朱英九方道 一處也 劉政 神仙傳

金分四月五十 鳥獸試取他人罷物以置其衆處人不覺之又能種 墨子五行記無服朱英九年百八十餘歲也如童子好 勤尋異聞不遠千里苟有勝已雖奴客必師事之後治 菓之木便華實可食生致行厨供數百人又能吹氣 為 萬人又能隱三軍之衆使人化成一叢林木亦能使成 為變化隱形又能以一人作百人百人作千人十人作 須臾不如學道可得長生乃絕進取之路求養性之析 劉政者沛國人也髙才博物學無不覽深維居世榮貴 卷四

孫博者河東人也有清才能屬文著書百許篇誦經 鼈蛟龍龜鼉即皆登岸又口吐五色之氣方廣十里氣 上連天又能騰躍上下去地數百丈後不知所在 行數千里噓水與雲奮手起霧聚壞成山剌地成湖能 忽老忽少乍大乍小入水不濕步行水上名江海中魚 則還如故又能化作美女之形及作木人能一日之中 孫博 1.11-神仙鄉

風飛沙揚石以手指屋宇山林壺器便欲傾壞更指之

草即焦枯若更指之則復如故亦能使三軍之衆各成 捉取之於是博以一亦丸擲於軍中須臾火起漲天奴 請博語奴主曰吾為卿烧其營舎奴必走出卿但諦伺 光照耀數十里亦能使身中成炎口中吐火指大樹生 屋舍百物向已焦燃者皆悉如故不损博每作火有所 果走出而得之博乃更以一青丸擲之火中火勢即滅 十萬言晚乃學道治墨子之術能使草木金石皆為火 · 鼓火又有藏人亡奴在軍中者自捕之不得因就博

| 欽定四庫全書

**>** 

卷四

焼他人雖以水灌之終不可減須博自止之乃止耳行 屈刀為鏡可積時不改須博指之刀復如故後入林慮 火水中不但已身不沾乃能無使從者數百人皆不沾 為博直指之言愈即愈又山間石壁及地上盤石博便 上不没不濡終日盡歡其疾病者就博自治亦無所云 又能将人於水上敷席而坐飲食作樂使衆人舞於其 てこうえ 入其中初尚見背及兩耳出石間良久都沒又能吞刀 ,數十枚及從壁中出入如有孔,也又能引鏡為刀 111. 神仙傳

銀定四月全書 山中合神丹而仙矣 班 孟 巷四

空虚之中與人言語又能入地中初時沒足至腰及胷 班孟者不知何許人或云女子也能飛行終日又能坐 漸但餘冠情良久而盡沒不見又以指刻地即成泉

**莱数十株皆聚之成積如山如此十餘日吹之各還其** 而可沒引又吸人屋上瓦瓦即飛入人家人家有桑 如常又能含墨舒紙著前嚼墨一喷之皆成文字

滿紙各有意義後服酒餌丹年四百餘歲更少容後入 大治山中仙去也

富贵不知養性命盡氣絕即死位為王侯金玉如山何 王子者姓張震南郡人也少學衆經周幽王徵之不 乃數曰人居世間日失一日去生轉速去死轉近而貪

桑子受其我術乃造一家之法者道書百餘篇其術以 益於是為灰土乎獨有神仙度世可以無窮耳乃師長

1

欠三日屋 八子子

務題為主而精於五行之意演其微妙以養性治病消 之不起推之不動屈之不曲伸之不直如此數十日乃 漢含水喷之立成珠玉遂不復變也或時閉氣不息舉 為六畜龍虎立便能行分形為數百千人又能涉行江 灾散禍能起飄風發木折屋作雲雷雨霧以草芥瓦石 復起如故每與諸弟子行各九泥為馬與之皆令閉目 見飛鳥過指之墮地又臨湖投符名魚鑑魚鑑皆走上 須臾皆乗大馬乗之一日千里又能吐五色氣起數文

金为口因台言

えこうら シト **徃不傷故陰能溲陽也陰人著脂粉者法金之白也是** 者浴之皆使立愈後入崆峒山合丹丹成白日昇天也 於寅純木之精陰生立於申純金之精夫以木投金無 光繞之曄曄而起又以此水治百病在內者飲之在外 務魁時以罷風水著兩魁之間吹而噓之水上立有赤 岸又能使諸弟子舉眼即見十里外物亦不能久也其 天門子者姓王名綱尤明補養之要故其經曰陽生立 天 門子 神仙傳

九靈子者姓皇名化得還年却老胎息內視之要五行 人之情也有急於陽然能外自脫抑不肯請陽者明金 **新玩四戽全書!** 不為木屈也陽性氣剛躁志節疎略至於遊晏則聲氣 以真人道士莫不留心駐意精其微妙審其盛衰我行 百八十歳色如童子乃服珠體得仙入玄洲去也 和柔言解早下明木之畏金也天門子既行此道年二 青龍彼行白虎彼前朱雀我後玄武不死之道也又陰 九靈子

|杜姦邪之路塞妖怪之門呪咀之者其災不成厭蠱之 解忽爭得勝百事皆利世有專世行此道者大得其妙 者其禍不行天下之賢皆來宗已傾神靈之心得百姓 家門保子宜孫內外和睦人見則喜不見則思既宜從 在人間五百餘年頹容益少後服鍊丹而乃登仙去矣 之意田蠶大行六畜繁孳奴婢安家疾病得愈縣官逆 軍又利遠客他人謀已消滅不成千殃萬禍伏而不起 之道其經曰此桁可以辟五兵却虎狼安全已身營護

20.10 ml / ha

神仙傳

多好四月全書 北極子者姓隂名恒其經曰治身之道爱神為寳養性 **兆極子** 

之桁死入生出常能行之與天相畢因生求生真生矣

絶洞子

臨深履危御奔乗駕長生之道也年四百餘歲顔色不

**衰著書四十篇名曰道源服丹昇天也** 

洞子者姓李名修其經曰弱能制强陰能弊陽常若

以鐡治鐡之謂真以人治人之謂神後服神丹而仏馬

太陽子者姓離名明本王子同年之親友也王子學道 特親爱之有門人三十餘人莫與其比也而好酒恒醉 已成太陽子乃事玉子盡弟子之禮不敢懈怠然玉子 **感面目光華三百餘歲猶自不改玉子謂之曰汝當理** 頗以此見責然善為五行之道雖鬢髮班白而肌膚豐 身養性而為衆賢法司而低迷大醉功業不修大樂不

太陽子

大正り野人は動

合雖得千歲猶未足以免死况數百歲者乎此凡庸所

時在世間五百歲中面如少童多酒其鬢鬚皓白也 金为巴尼白 妙行用其道甚驗甚速年二百八十歲色如桃花口如 太陽女者姓朱名翼敷演五行之道加思增益致為微 驅其驕慢如此著七寳樹之桁深得道要服丹得仙時 不為况於達者乎對曰晚學性剛俗態未除故以酒自 含丹肌膚充澤眉鬢如畫有如十七八者也奉事絶洞 子丹成以賜之亦得仙昇天也 太陽女

妹還報日客大賢者至德道人也我始問一己知五矣 土數為幾對日不知也但南三北五東七西七中一 青龍玄武天下悠悠知者為誰女聞之大喜使妹問客 **積年累久未得勝已者會太陽子過之飲酒見女禮節** 頗得其法未能精妙時無明師乃當道沽酒客從求賢 太陰女者姓盧名全為人聰達知慧過人好玉子之道 恭修言詞間雅太陽子喟然數曰彼行白虎螣蛇我 くこうし 太陰女 1.17 神道傳

色也 陽子曰共事天帝之朝俱飲神光之水身登玉子之魁 以蒸丹之方合服得仙仙時年已二百歲而有少童之 體有五行之實唯賢是親豈有所怪遂授補道之要授 遂請入道室改進妙饌威設嘉珍而享之以自陳記太 太玄女者姓嗣名和少喪夫主有術人相其母子曰皆 毒也乃行學道治王子之術遂能入水不濡威寒之 太玄女

銀玩四月全書

之中衣裳不燃須臾之間化為老翁小兒車馬無所 ここうえ 屋大物忽小於毫芒野火源天靈之即滅又能生災火 以杖扣山石石皆有門户開入其中有屋室床几惟帳 官府官殿城市及世人屋舎於他處視之無異指之則 厨糜酒食如常雖行萬里所在常耳能令小物忽大 失其所在又門户續櫃有關籥者指之即開指山山崩 树树死更指之皆復如故将弟子行所到山間日暮 Jilin 神仙傳

時單衣行水上而顏色不變身體溫暖可至積日能徙

一分 中 中 全 書 而啖出雞子中黄皆餘有少許粉如指端者取粉塗杯 南極子者姓柳名融能合粉成雞子吐之數十枚煑之 為行三十六術甚有神效起死無數不知其何所服食 呪之即成龜煮之可食腹藏皆具而粉杯成龜殼者取 顏色益少鬢髮如鴉忽白日昇天而去 又能舉手即成大樹人或折其細枝以剌屋間連日 則殼還成粉杯矣又取水呪之即成美酒飲之醉 南極子 卷四

蟲皆不得動飛鳥不得去水為逆流一里年二百八十 歲力舉千鉤行及奔馬頭上常有五色氣高丈餘天大 之皆得痊愈不必見病人身也善氣禁之道禁虎狼百 黄盧子者姓葛名起甚能理病若千里只寄姓名與治 旱時能至淵中名龍出催促便昇天即便降雨數數 旦來龍而去與諸親故辭別遂不復還矣 黄盧子

在以渐萎黄與真木無異也服雲霜丹而得仙去矣

神仙傳卷四					一金定四庫全書
		ı			
					<b>基</b> 四日

馬鳴生者齊國臨淄人也本姓和字君賢少為縣更因 周遊天下勤苦備嘗乃受太清神丹經三卷歸入山 久事之隨師負笈西之女几山北到玄丘山南湊瀘江 棄職隨師初但欲求受治瘡病耳知其有長生之道遂 逐捕而為賊所傷當時暫死得道士神樂救之遂活便 欽定四庫全書 神仙傳卷五 馬鳴生 葛洪 撰

識之怪其不老後乃修大丹白日昇天而去也 | 欽定匹庫全書 三年朝便易處人或不知其是仙人也架屋舍畜僕從 遂與相見執奴僕之後親運履之勞鳴生不教其度世 除長生者新野人也漢陰皇后之屬少生富貴之門而 藥服之不樂昇天但服半劑為地仙矣常居所在不過 不好榮位專務道術聞有馬鳴生得度世之道乃尋求 **乗車馬與俗人無異如此展轉遊九州五百餘年人多** 陰長生 灭

一人の 一一 しいい 皆不老後於平都山白日昇天臨去時著書九篇云上 窮乏不問識與不識者周行天下與妻子相隨舉門而 能得道者乃将長生入青城山中煮黄土而為金以示 但服其半即不昇天乃大作黄金數十萬斤布施天下 之立壇四面以太清神丹經受之乃别去長生歸合丹 歸去獨有長生不去敬禮彌肅鳴生乃告之日子真是 二十餘年長生不懈怠同時共事鳴生者十二人皆悉 神山寺

之道但日夕與之高談當世之事治生佃農之業如此

以隱逸得志以經籍自娱不耀文彩不揚聲名不循求 人相尋索聞見故知此近世諸仙人之數爾而俗民謂 曰洪聞諺書有之曰子不夜行不知道上有夜行人故 古得仙者多矣不可盡論但漢與已來得仙者四十五 為不然以已所不闡則謂無有不亦悲哉夫草澤間士 已服神丹雖未昇天然方以類聚同聲相應便自與仙 不得仙者亦安知天下山林間有學道得仙者耶陰君 人連余為六美二十人尸解餘者白日昇天馬抱朴子 

鈖埞匹库全書

上士聞之勉力加勤下士大笑以為不然能知神丹久 度以至天仙子欲聞道此是要言猜學所致無為為神 神丹行氣導引俯仰屈伸服食草木可得少延不求未 有得者列為真人行乎去來何為俗問不死之道要在 新野山北子受和君神丹要缺道成去世副之名山如 朝闕之徒知其所云為哉陰君自序云維漢延光元年 進不管聞達人猶不識之豈况仙人亦何急急令聞達 視長存於是陰君裂黄素寫丹經一通封以文石之函

殿山都顧愍奉愚年命之逝如彼川流奄忽未幾泥土 與我為仇入火不灼蹈水不濡逍遙太極何應何爱激 著書三篇以示將來其一曰唯余之先佐命唐虞爰逮 著萬山一通黃櫃簡漆書之封以青玉之函置大華山 一欽定四庫全書 漢世紫文重紆余獨好道而為匹夫髙尚素志不事王 通白練書之合為一卷付弟子使世世當有所傳付又 侯貪生得生亦又何求超跡蒼霄乗虚駕浮青腰承異 通黄金之簡刻而書之封以白銀之函者蜀經山一

二十春中多怠慢志行不動痛乎諸子命也自天天不 為梅奔馳索死不肯暫休其二日余之聖師體道如貞 12 1. 10 ... 1 /c.L. 南北委於五濁避世自匿二十餘年名山之側寒不遑 研勿為流俗富貴所牽神道一成昇彼九天壽同三光 妄授道必歸賢身投幽壤何時可還嗟爾將來勤加精 昇降變化松喬為隣惟余同學十有二人寒苦求道歷 衣飢不暇食思不敢歸勞不敢息奉事聖師承顏悅色 何但億年其三曰惟余垂髮少好道徳棄家隨師東西 神仙傳

享無極黄金已成貨財十億役使鬼神玉女侍側余得 面垢足脏乃見哀識遂授要缺恩深不測妻子延年 度世神丹之力陰君留人間 日昇天也 茅君者名盈字叔申咸陽人 仙得者茅初成駕龍上天昇太清時下玄洲戲赤城 茅君 山丹成乘亦龍而昇天即秦始皇時也有童謠曰 人也高祖父蒙字初成學道 百七十年色

多近四月全書

卷五

旦夕之益而使父母毒老家門平安某道已成不可赖 山學道積二十年道成而歸父母尚存見之怒曰為子 徐福將童男童女人海求神仙之樂茅君十八歲入恒 識當得昇天逐詔改臘為嘉平節以應之望祀蓬萊使 7/7.19.21 Jili 跪謝曰某受天命應當得道事不兩濟違遠供養雖無 秦始王方求神仙長生之道聞謠言以為已姓符合語 繼世而往在我盈帝若學之臘嘉平其事載史紀詳矣 不孝不親供養而尋逐妖妄流走四方舉杖欲擊之君 神仙傳

不可起也若横受短折者即可令起也父因問鄉里死 之衆人皆聞社公對曰某甲可起君乃曰促約勃所 者若干人誰當可起之君乃遂名社公問之父聞中庭 得道能起死人否君曰死人罪重惡積不可復生者即 段皆飛揚如弓激矢中壁穿柱壁柱俱陷父鸞即止君 有人應對不之見也問社公此村中諸已死者誰可 辱恐非小故父怒不已操杖擊之杖即推折而成數十 日向所啓者實慮如斯邂逅中人即有傷損父曰汝言

**動穴四母全書** 

W.

卷五

一十八日之官頗能見送乎在座中衆賓皆相然日此君 将之官鄉里親友會送者數百人親屬榮晏時茅君亦 語了了如此發數十人皆復生活十歲方復死爾時君 在座乃曰吾雖不作二千石亦當有神靈之職尅三月 之弟名固字李偉次弟名東字思和仕漢位至二千 石 人死人開目動搖但未能語舉而出之三日後能坐言 已决了便可發出於是君語死者家人掘之發棺出死 由使發遣之事預了可掘於是日入之後社公來日事

得道當出衆皆復來送也君曰若見顧者誠荷君之厚 聲動天地隨食隨益人人醉飽明日迎官來至文官則 如常禮不見指使之人但見金盤玉盃自到人前奇殺 數項之地忽自平治無復寸草忽見有青練帳幄下 塞道數倍於前送弟之時也賓客既集君言笑延接一 敷數重白毡容數十人遠近皆神異之翕然相語來者 意也但空來勿有損費吾當自有供給至期日君門前 **興東不可名字美酒珍饌賓客皆不能識也妓樂絲竹** 

|欽定匹庫全書

或導引人馬或化為白鵠人有疾病祈之者煮雞子十 茅君乃與父母宗親辭别乃登羽蓋車而去麾憧幡益 禽不可名識雅鳥數萬翔覆其上流雲彩霞霏霏繞其 旌節旄鉞如帝王也夥駕龍虎麒麟白鶴獅子奇獸異 之人為立廟而奉事之君嘗在帳中與人言語其出 江南治於句曲山山有洞室神仙所居君治之馬山下 左右去家十餘里忽然不見觀者莫不數息君遂徑之 朱衣紫帶數百人武官則甲兵旌旗罷仗耀日千餘 修練四十餘年亦得成真太上老君命五帝使者持節 委家過江尋兄君使服四扇散却老還嬰於山下洞中 音樂導從自天而下或終日乃去遠近居人賴君之德 内無黄者病人當愈中有土者不愈以此為候馬雞子 枚以内帳中須臾一 人因呼此山為茅山馬後二弟年衰各七八十歲棄官 無水旱疾癘螟蝗之災山無刺草毒木及虎狼之属時 本無開處也廟中常有天樂異香奇雲瑞氣君或來時 擲還雞子如舊歸家剖而視之

欽定四庫全書

於潛山又使使者以紫素策文拜固為定録君東為保 裁上仰司命 真君主具越生死之籍方却 昇天或治下 以白玉版黄金刻書加九錫之命拜君為太元真人東 天師張道陵字輔漢沛國豐縣人也本太學書生博採 命君皆例上真故號三茅君馬其九錫文紫素策文多 君各來一白鶴集於峯頂也 不具載自有別傳其後每十二月二日三月十八日三 張道陵 神仙寺

將弟子入蜀於鶴鳴山隱居既遇老君遂於隱居之所 十年之間已成道矣閒蜀民朴素可教化且多名山乃 而文道凋喪不足以極危佐世陵年五十方退身修道 於餘杭又漢政陵遲賦斂無度難以自安雖聚徒教授 之術行之有驗初天師值中國紛亂在位者多危退耕 復少後於萬山石室中得隱書私文及制命山嶽衆神 九門丹經修鍊於繁陽山丹成服之能坐在立亡漸漸 五經晚乃歎曰此無益於年命遂學長生之道得黃帝

銀定四岸全書

**长**1 五 1


家除害與利以濟民度然後服丹即輕舉臣事三境庶 已成若服之當冲天為真人然未有大功於世須為國 備藥物依法修鍊三年冊成未敢服餌謂弟子曰神冊! 庭名之化宇降其師為陰官先時蜀中魔鬼數萬自晝 為市擅行疫癘生民久惟其害自六天大魔推伏之後 隨罡所指以攝精邪戰六天魔鬼奪二十四治改為福 千日能內見五藏外集外神乃行三步九迹交乾履斗 無愧馬老君尋遣清和玉女教以吐納清和之法修行 ファンリシー シェア 中山野

畫鬼行於夜陰陽分别各有司存違者正一有法必加 **陵斤其鬼衆散處西北不毛之地與之為誓曰人主於** | 欽定匹庫全書 誅戮於是幽冥異域人思殊途令西蜀青城山有鬼市 并天師誓鬼碑石天地石日月存焉 藥巴蜀人也太守請為功曹以師事之請 武術乃平生 神能與人言語巴到推社稷問其蹤由乃老往齊為書 人壁中去壁外人叫虎狼還乃巴也遷豫章太守有廟 察巴

てこうえ しょう 知此哉雖日宴坐而心驚於外營管然如飛蛾之赴霄 已不知氣血寓於身而不可擾貴於自然流通世宣復 奏云臣本鄉成都市失火故為救之帝馳驛往問之云 正旦失火時有雨自東北來滅火雨皆作酒氣也故終 巴為尚書正旦會羣臣飲酒巴乃含酒起望西南與之 生太守以女妻之生一男巴往齊物一道符乃化為狸 夫學道者多矣然所謂八段錦六字氣特導引吐納而 日不違如愚若無所得而愚是乃物之塊然者也士大 神山專

容曼色吾視之與媒母向大厦華屋吾視之與茅茨同澄 之指南也 能馳夕非火不能鑒故學道者須令物不能選其性冶 海魚有以蝦為目者人皆笑之而不知其故畫非日不 燭蒼蠅之觸晚總知往而不知返知就利而不知避害 復何行而不至哉所著百章發明道秘要眇深切迷途 心清淨湛然而無思時導其氣即百骸皆通抱純白養 太玄然後不入其機則知神之所為氣之所生精之所

一多好四库全書



神仙傳卷五				多定四库全書
五				
		:	,	卷五1
				-